

故宮博物院
珍藏

宮本刊
本集

何氏萬曆集·兩洲集

第二冊

共二冊



故宮博物院編

海南出版社

故宮珍本叢刊第 538 冊明代詩文別集

故宮博物院編

何氏萬曆集

兩洲集

第二冊（共二冊）

海南出版社

蘇子如學
PDG

圖書在版編目(CIP)數據

大明太宗皇帝御製集/(明)成祖撰. —影印本. —海口:海南出版社,2000.10
(故宮珍本叢刊)

本書與“重刻徐幼文北郭集/(明)徐賁撰”等 29 種書合訂

ISBN 7-80645-747-X

I.大… II.成… III.文學-作品綜合集-中國-明代 IV.Z121.7

中國版本圖書館 CIP 數據核字(1999)第 68755 號

故宮珍本叢刊第 538 冊

明代詩文別集

何氏萬曆集 兩洲集

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:30 印數:1-400 冊

ISBN 7-80645-747-X/Z·25

定價:2670 元(明代詩文別集 30 種共 16 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

何氏萬曆集卷之二十

序

贈沈將軍捕倭序

比者內地不逞之氓勾引倭夷竊奪餘艘寇於海上急則蛟從緩則鯨吞二三將帥各分汛地如齋已割而餅已畫遂出其方隅則已悛悛幸無事至於歲宴隆冬朔風爲政游汛告休則聽其與玄溟海若共息卽其越人于貨亦不敢聞何氏萬曆集卷之二十

大吏而今縱橫海上者七舟也無人乎閩廣溫台之間其在閩海上則以東番爲窟穴東番之夷裸如鳥獸射生箐棘中盜亦時時賊殺之而夷人以爲苦寧海沈將軍齒劍語曰任盜縱橫信如割齋而畫餅我豈禮食而小兒啖耶下令其帳下目長曰料簡軍衆備火攻具器持五日糧從吾所之亦謬之曰吾近往耳聊以懼竊竊過裁分地者舟旣發則曰直抵東番諸目長懍

然從之以朔風之政舟檣艤波濤間諸軍茫然相失將軍意氣自如一日夜皆集鼓行而前出賊不意將軍露身鋒鏑將士齊作懼者束手而請降強者迎鋒而立斃怒而不與將軍爲功者腰石而湛於滄淵而數歲之鯨鯢立盡於是瀕海人爲海賈者羣來告予請爲文賀將軍予曰將軍捕海上賊賊也上以報國家下以衛人民豈區區爲若海賈德者賊之得也漁人歌于舟海濱之人歌于途烽燧游徼之士歌于軍東番之人快于夷豈特若海賈德將軍者且夫賊之得也將軍上狀於兩臺觀察使者若大府若其間之帥而自不言功以級若俘獻大府大府爲之舉宴稱觴列兩隊之軍於壇坫之上請將軍徹膽帷衣朱緋簪金綵以觀五達之衢而將軍辭酒半起離席伏請將軍終樂之而將軍辭將軍又豈以德若爲名者則羣曰吾嚮得

全吾貨而往來海上者十九而越于貨者十一
然而心有盜也今得將軍而後吾心無盜也吾
向之越于貨也相與瞋目而怒而莫之誰何今
得將軍以爲我報也將軍長者也豈復德吾吾
儕小人不能不德將軍於是何生進而語之曰
令將軍見賊縮頸奉頭有不虞之事爲規避以
蒙大吏則若何曰逃於文法矣則又曰令將軍
守汛地自固有暴客逐出之有不虞之事以歲

何氏萬曆集 卷二十

三

墓

宴息軍爲解則若何曰高枕矣則又曰令將軍
齒劍而行語目長爲近往者卽近往曰吾無所
見賊則若何曰得勇名矣則又曰令將軍與賊
遇而敗則若何曰失官矣則又曰今天不逐風
舵拆檣真則若何曰葬於巨魚之腹矣夫不慮
失官則以官博之也不慮葬巨魚之腹則以身
博之也不有其官與其身以與賊博而若輩亦
得宴然賀遷波濤間則將軍雖不德於若若等

德將軍宜也遂以爲將軍賀

贈管長泰奏績貤恩序

南陵管彥懷公來治長泰自興教立政之大以
及賦歛征役之繁服用之所蠲道郵廩畛之所
治防圯之所墮剔良暴之所摧持夢之所糾彈
之所瘡細大之務如攝其家調節之宜如攝其
身長泰毗士有祝有謠大縣缺令令遠借公則
幽疑惶怖奔走而祈留近邑缺令令暫借公則

何氏萬曆集 卷二十

四

墓

割之以爲德色而分之以爲甘飴公之爲令邑
有善政而善爲之後邑有不善政而善之爲先
上有不可已之政不敢言善亦不敢言不善而
善爲之中以故泰人惓惓愛公而不置既三年
上寂於朝

天子嘉公理進公階贈公

太公如公官贈公太夫人如所以授公夫人者
泰人以爲盛事其孝廉諸君子將詣公堂脩慶
而稱驩吾友戴亨融氏使予爲文先之亨融誦

公不一一然予業聞公久矣凡君子之出世也當使人懸而若有慕得而不能捨有吉祥善事爲之修慶稱驩而不置蓋天下之事有報焉有施焉凡公之盡心於今不負其身所以報君親之大者也泰之人得公一推恩父母如其自父母見恩之爲快所以報公之大者也得乎天子而吾身有所施設宣被於天下能無報乎有吾有親而後有身而後有教以能無報乎吾壹鬱而不得揚婉吾疾瘁而不得柳爬有上之人爲之綜挈開舒民之蚩蚩胥固有心心難以口其君子尊賢而誦誼能無報乎公所以報君報親君親有施也泰人之所以報公公有施也君之耳目遠而民之耳目近親之心意親而民之心意踈起家甲科得一邑治之無所得失比及三年上官不後於薦剡矣得薦剡主上不闕之恩必授之階推之親矣然其所治之人

何氏萬曆集

卷二十

五

沈

或不爲之喜爲之脩慶而稱驩吾得有一能要朝家之命推及吾身以爲有榮施雖其風木之痛鼎養之思亦能起九原而顏色之其生也則喜於堂上其九原也則喜於九原然其所治之人或不爲之喜爲之脩慶而稱驩此遠近親踈之別也朝廷無上闕之恩而能使近民如我遠君吾親無不食之報而能使踈心如我親意君子於此有所以得之者矣蓋思其所以得之與吾所以脩之則所以上報君親而下施於人民者必有不慊者矣公爲一泰如此君固公之君也親固公之親也天下人則猶泰之人也公爲而不憚所居愈高及愈以遠天下行望公於無窮所以爲贈公贈夫人脩慶稱驩者時無已則皆公之所得自爲報者也

何氏萬曆集

卷二十

六

沈

贈柯翁序

治宇柯翁隱於安平之野有年矣名不挂太常

籍不繫主爵然而敬於閭里重乎家族其德行足師也郡大夫聞翁名延之鄉飲薦以大賓翁辭不赴曰鄉飲重禮也而郡大夫貴人吾腰脊強而足趾緩安能偃俦於筵前郡大夫既歎翁之高而翁鄉人與其子姓復羣頌翁於郡大夫郡大夫乃擇吉具衣冠使人致翁家以爲翁壽翁復前卻曰吾故不敢赴賓筵而見郡大夫敢勞大夫賜且夫古之高士有書幣至門無鴈在

何氏萬曆集

卷十

七

庭鑿塚踰垣猶慮不免葛巾皂帽若終其身彼豈復有世人之榮貌乎哉某也不佞每居常媿之且夫人有當身而願棄之有不當身而願求之者此亦人情也故士大夫恒侈言杖屨而山林之士恒慕慕衣冠而某非其人也郡大夫業致矣鄉人子姓業請矣無以得翁一幸許則羣來求言於何子曰子其爲翁一言於是何子奉篋筇執觴酒而進曰固也山林之士尊慕衣冠

何氏萬曆集

卷十

八

古有之矣夫皆人尊之也故夫未謂之公湘之君武夷桐亦謂之君然而猶神人僊侶之屬也則有表愚以公祝庚桑以子薦醉鄉以侯傲五湖以長崇山中以宰相夫非人尊之乎身當之矣則併其所悅情怡性之具而侈之則有名竹以君加歡以伯拜管城以子者矣若其當時君長乃至至式壁而聘園京之家高其門而至其間飲食賓客足以自通賓客封之萬戶則乃以其有馬牛羊蹄角千竹橘樞蒟之類千株車夫是人也而猶足當邦君之所尊當世之所好況乎德行敬閭里重家族者哉鄉人子姓以是事翁郡大夫以是致翁夫皆人尊之也翁而拜郡大夫之致以君於家而長於鄉鄉與家之人有所鼓舞於善而忸怩於爲不義則皆翁教化之矣翁之高固自如翁曰某也不佞不敢虛郡大夫賜敬聽子言而舉子觴

賀詹翁脩城序

孔子居魯也視齊衛陳鄭之邦有以異乎其必有以異矣古人敬共桑梓尊而親之以爲父母之國其尊長者吾父兄卑幼者吾子弟也有人焉爲之重計深謀吾不以孔子之道進之歟維吾郡司寇詹公以直道清節標率鄉邦令弟守齋公博達慷慨濬發爲善平時振舍畀貸德在人人而所興廢舉墜在於橋梁道路道宮禪刹之居顧未足以明公大有德於郡人去年之秋疾風異甚郡城墉盡圯堞覆于隍者數千父老言耳目覩記未曾見此如此之役當事有司欲修治之則郡邑幕長軍帥武人董以視然余所居在東城下見城靡歲不無少壞壞靡歲不脩治亦靡不完善亦輒靡久不壞者非州縣幕長軍帥武人溺其職也其料用之窳良貲費之倍省工作之亟緩皆未能習其事而明於心其心

何氏萬曆集

卷十

九

十

則欲善其事者矣未習而明固自有缺畧不舉之弊至其晏作而蚤罷繆鑄乾沒牙蠹臃腫或半歲而成之或一歲而成之亦勢所必至至問其所以脩治之費則出民間矣且以其缺畧不舉必且墊隘而卑薄人事之不虞或無裨可登而隼可射萬一意外變則皆吾父老子弟身與家也觀察使者郡邑大夫目之而難爲舉聞公高誼不敢以煩公直前請曰某爲之觀察使者若郡邑大夫則大喜而撓者曰官府治之子胡干焉又且有衆公則不顧計財量力早作夜罷冗料用之窳良貲費之倍省工作之亟緩無所不明心門有七日一視者數期月爲之期月就之無不完善可永久者觀察者若郡邑大夫交口勞公郡人皆以稱公德且能於是撓公者息其說余謂天下之事惟其心之不欺以私則雖填海徙山可當前而不阻徒曰我何與焉則

何氏萬曆集

卷十

十

十

古有犒師先帝助邊輸財彼何斯人以余從經紳後無能如司寇公標率鄉邦勸勉父老子弟於德行仁義有公捍而固之計而謀之真可謂念父母國者故以孔子之道引而進之而爲之頌曰君家司寇公不出門外預一人人事而公視人世事如其自身司寇公不預一人人事司寇公美也公視一如自身公美也

張月溪年伯雙壽序

何氏萬曆集

卷二十

十一

沈

在 肅廟之朝文忠公以一言遇主尊顯無貳故東甌之張多忠智孝友惠良之士若太公及子子經其一也子經主事刑曹時時爲予言二親春秋高且請急歸養會今年刑部五年命曹郎分讞天下獄得臧等論故事以郎中員外往而以主事往粵西者特子經一人蓋大司寇公廉知子經才以子經名奏故子經得藉道壽公夫人子經曰家大人少貧甚事我大父母盡

色養之驩吾母佐之順焉我大父母視吾母如女而東甌之人稱孝吾諸父大人吾大人爲畢婚娶無私幼者乳哺之多以皆窳嶢嶢自與吾母從吏焉今吾諸叔父蒼然耆艾間視吾母猶母也而東甌之人稱友德明與吾弟少讀書吾大人則教以義方而吾母不以姑息畜而東甌之人稱慈茲藉 天子寵靈釋其匏繫歸

壽吾親天或者憐吾親德且老使德明得追於

何氏萬曆集

卷二十

十二

沈

佚養子其爲戒占之何喬遠曰天下之道惟經常爲可以久菽粟常淡可以久茹布帛常溫可以久衣金石常固故久不泐松栢常潤故久不凋今夫東甌之器其塗髹輕便利天下而惟其貞堅者可久使東甌之東兩純紡迴雪飄風而惟其賦緻者可久服其於人也亦然夫太公事親至孝也撫弟至友也教子至慈也太夫人佐之至順也孝友慈順是皆常道故可以久壽天

則必聰明強固是人天則必阜蕃昌熾是人使東甌之人奉太公世世若王駘亢桑郡邑大夫虛禮推風舉以式於其鄉而鄉以不肅勸是天所以壽公夫人者永無窮期公夫人可以無藉於子經之養子經亦可以無憂其親而一心以報國家子經內溫而外文即之無涯而後偉敏達可屬大事將有以光明文忠公之業則子經所以壽公夫人者又於是在

何氏萬曆集

卷二十

十三

晉文

曾封君壽序

予大人宦安成生子於邸三歲乃去之習安成有雅化衡州舜禹菴焉聖人之風被之石峯曾公自安成徙耒陽生吳長楚兼有二國之淳懿爲人德終身德之爲人不德念其時德亦終身德之孝其先而以廣敬裕其後而以廣慈此公所以善培而不昵卑也有子舜徵起進士文詞嫺富守於禮官而公氣不益旺體不益倨廬田

不益肆服御不益都以爲慈悲客以爲山澤叟此公所以善持而不貌榮也公年七十遊於京師以視舜徵當其壽舜徵貧無以觴乃心謀曰陸海之珍鳳儀所不能市也大人所厭克輓也京師巨都大邑人文之聚鳳儀幸有虛名諸公間可致也而以張大人之行橐則名卿大夫進而拜公者不知其幾以言張公者不知其幾子與舜徵爲同舍郎最後時公行一年矣舜徵及

何氏萬曆集

卷二十

十四

晉文

焉曰子居南海以佐吾觴猶海錯也子曰喬遠波臣也請誦所聞天下之事未垂有符已符有招握其符麾其招善事將自來其人廓落而薄施舍符在富也其人踈濩而長局度符在貴也其人平等而好德義符在吉祥也其人鷖憊而堅葆嗇符在壽考也既符之矣見富者易感而不汰是所以永富招也見貴者易卑而不驕是所以永貴招也見陽喜者有陰消而若無知聞

是所以永吉祥招也見外豐者易中虛而若無
遭際是所以永壽考招也四符公培之矣四招
公持之矣公生於季代隨於雅化而若被於天
舜禹垂裳之風予一以公爲嬰兒予一以公爲
真人舜徵事公至孝在萬里外猶子舍在平時
而沾沾求壽公常如公之懸弧日雖過其期猶
徵言以足之及於最後同舍卽舜徵行加修文
加顯所交天下卿大夫加衆其壽公加遠以久

何氏萬曆集

卷二十

五

說

公追先廣敬意念安成人舜徵着以喬遠之言
進必惜曰夫夫昔生安成是非南海波臣乃
我里中兒舜徵之觴又且壹再舉矣

尤封君雙壽序

予與伯昇稱同年十八載矣諸同年率以繫籍
初歲致慶父母而予輩乃今始得從伯昇壽先
生太夫人非後也先生弱冠則已舉伯昇伯昇
歌鹿鳴於鄉先生猶爲博士祭酒迨今伯昇教

成均治司徒仕中外立朝之日多於子舍而
先生亦僅及耆艾今先生則既棄博士業有年
儼然受伯昇封君之號亦三年矣先生於教子
之效若賈而贏若耕而獲伯昇以使歸之便舉
先生太夫人觴以年則宜以服則寵以福則備
矣夫今之所侈於封君者以其或屈首經生或
裸戶齊民身不謁主爵之庭奕然列於縉紳大
夫以華其家族閭里而先生不有也又其所侈
於封君者或幸其子之要秩善地田宅足以奇
羨絃絲歌舞足以驩娛而先生不知也先生之
德吾姑毋論其精微而獨徵先生於酒先生之
於酒也醉而寤歌而休不知宇宙之廣大也展
展而言于于而行不知人世之有慧巧也頽然
環堵蓬蒿充遯不知其釜甑之盈虛也齊懼憂
一喜慢不知吉凶悔愴之能欣戚人也先生雖
游於酒人乎若夫羞聲獻爵以薦饋嘗先生卑

何氏萬曆集

卷二十

五

說

靜以正怵乎其如存也伏節蜡晨脾臄滑醅脩
諸門內先生微醺而歌良士也黨正父師徵先
生之光操延之鄉飲賓介在席洗筐在榮先生
側席而聽宵雅不懈于司正也凡酒之憑於人
也強者或以觸懦者或以撓謙者或以矜和者
或以流卽酒之資於人也壅者或以暢恚者或
以溫悵者或以忘怨者或以恩然而皆有不勝
之意凡物勝則君不勝則使使則客君則天故

何氏萬曆集

卷二十

七

御

凡高世之士有所托以寄其意則有所勝以全
其天先生向爲博士祭酒游於詩書六統之林
固將不忘百姓之思欲與之遊醉鄉之國既其
不遂而徒君之於杯觴疊囿之間其鴟夷瓠樽
且以天地日月爲蘧廬古今萬物爲浮漚而殘
瀋餘瀝亦足以孕育王駘陶冶亢桑者也又烏
取如孺仲侯光携其妻子耦耕俱隱乃爲高哉
吾聞醉鄉之國名華胥其人率數百歲先生與

太夫人殆竊竊至焉伯昇曰誠得如子言板也
從戒二三兄弟洗腆致慶其又何後之有

蘓封翁雙壽序

弘家守尚書戶部卽出爲關使者入還報命其
文學德譽籍籍縉紳間聞於四方

天子

才之使掄士黥中中道病因請急歸得侍其封
君封夫人怡愉也居一年爲封君封夫人壽弘
家與其諸弟益舉觴稱百歲蓋弘家發穎稊庠
而舉于鄉年二十五耳其明年遂成進士小進
士也其時封君方五十一歲封夫人四十有五
耳又之三年弘家報稱得

上恩封爲封

君封夫人以諸生疊取科第卽有如弘家少者
海內蓋僅僅十之一卽未有封君封夫人如弘
家之封君封夫人年卽舉進士服在州縣人事
不可知卽亦未得報政貤恩可計歲而得若此
者天之所以與弘家也弘家卽不出掄士中途

何氏萬曆集

卷二十

七

御

何氏萬曆集

卷二十

九

壽

病者守於京師卽得過里門旬朔而已卽欲請
 壽終歲而侍封君封夫人膝下封君封夫人謂
 吾年未也必不許而今得優游子舍爲孺嬉者
 三歲造物者雖病叩家亦所以與叩家也叩家
 曰吾欲有所爲父母壽者子其圖之知戒者莫
 若子予曰子而少取科第也蚤報政貤恩也封
 君封夫人而年未也是三者非人之所能也天
 也而旣得之矣今所以壽封君封夫人者乃子
 所能者也古人有以能名文辭壽其親者矣其
 言足垂也有以能名事功壽其親者矣其澤足
 永也有以能名道德壽其親者矣其行足師也
 三者子雖未大也其文辭則 天子旣知
 之矣爲政於闕門惠在行過大江以西者所具
 體而微也孝而惠溫良而慈讓今夫趨百里者
 以大昕則饒至之也以日中則俛至之也以昧
 則不至矣以子之年所謂大昕而趨百里封君

封夫人日中觀之凡子所以自壽者皆壽封君
 封夫人之日也封君封夫人而百歲其中之年
 則子知非也子化也子勤小物也子斐君子也
 皆子饒至之於以壽封君封夫人不旣奢乎叩
 家曰善某也不敏請從事焉

壽呂封君序

中書呂君爾搏奉使過家致賓客爲其太公壽
 過不佞而徵文而曰家大人起家楮賈與子之

何氏萬曆集

卷二十

十

壽

先仲同業相善予得與子先仲之子夢駿託蔭
 葦旣又稱同年兩家至篤摯壽家大人宜莫若
 子凡家大人所以起家子莫掩焉亦非家大人
 所諱也不佞作而言曰善哉善哉蓋自先王世
 官之法不行以至于今士之自致青雲者家世
 多出於貧賤士出貧賤而後致於青雲宜可不
 失其故而一旦居養之所移鮮不變更者以彼
 雖名爲士或其齒未而驟貴或其日暮而求盈

則亦宜其中心之易亂而素位之頓改若其爲士之親者貧且賤焉僥得一子仕而已視其成是皆平生積行累德天謂善人而報之亦其涉世之日長宜明保持之道然而不佞觀於世之人蓋亦有所不免者矣甚哉人情得之之難不若持之之難也太公昔居田野間躬耕隴畝足跡不至城市既得中書公察知其非常稍長挾入邑授經經師而太公亦儼邑廩爲楮賈廩不能尋丈屏之以竹格太公前賈楮而中書公後治經每歲臘塾中師散去則中書公復從格後爲太公治楮金鬻人焚化以備獻歲之貨如是以爲常太公治賈廉與人處質朴而和易人競從太公賈者餬口得不乏今者中書公少年躡取科第唱名大鴻臚選翰林天子執苑之士流傳其文章而視中書公與格後治楮金時無以異也太公從市廛間釋其庶人衣冠服

何氏萬曆集

卷二十

廿

詩

禮於郡邑有司之庭故時耕隴僦廩之侶見之遂遂莫敢道平生而視太公與故耕隴僦廩時無以異也夫中書公太公今始爲中書太公耳猶將有進而尊倨焉者然當耕隴僦廩時意念宜不及此此之謂多矣卒無有意加其故而掩之者此可以見太公中書父子間先民之志曰毋登枝而捐其本焉富貴顯融人所羨也古人則謂之枝故夫有意加而掩之也乃所不得加而掩也其無意加而掩之也乃所不可加而無用掩之也所以善守而善持之也於是十月之十日賓客羣壽太公不佞揚三觴而語一觴曰司馬遷云貪賈三之廉賈五之太公今日所得奚啻十請以爲太公壽再觴曰周之大夫壽莫如老聃其言曰事天治人莫如嗇太公無所掩且加得嗇道焉請以爲太公壽三觴曰仲尼有言孝始事親中事君立身揚名以顯父母太公

何氏萬曆集

卷二十

廿

詩

今所繇顯責在中書公請以爲太公壽諸客皆曰善不佞因語客予兩家則既篤摯矣抑海內士大夫莫不可以壽太公中書公何必不佞其以不佞亦楮賈者季耶其言也質

蔣封公壽序

綺繡珍錯醴酪歌舞之奉益延賓客以壽其親則或不能致致或不能常致且夫天下之事有親願之而已弗能者矣有已能而親弗悅者矣

何氏萬曆集

卷二十

廿一

壽

夫不能致猶或致之爾不能常致猶或常致之爾親願之而已弗能猶或強跂之已爾患在已能而親弗悅已能而親不悅則將違其心志或爲媚取之也則將改其度操或爲智徵之也已不爲而強今爲之則其遇也不可詭已不爲而其身自爲之則其諫也不可幾夫如是不能自壽也人壽之乎吾僚蔣蟄甫氏以名進士起家宜春徵入尚書禮部郎出守盱今其尊大人

北山公年八十矣自蟄甫之東脩受筆研公非孝弟忠信之言無與教也蟄甫通籍歟歷中外仕公非忠信廉貞之行無與勉也蟄甫仕而未

何氏萬曆集

卷二十

廿一

壽

勤勞輟然適於其志環堵蕭騷布衣蔬食之乃若綺繡珍錯醴酪美而甘之驩如徵歌逐舞賓客遊從於其間有親如此不淬勵副之以守官而成民則非子矣且夫綺繡珍錯醴酪多爲歌舞賓客以壽其親卽力可常致其弊亦使人蕩志役物易厭而不可久生蟄甫得二千石而君之冲然堂序之上穆如若有所稟承而爲之者其子舍儉陋而不稱而封公神益王貌益腴

若此者益見公之善自壽而蟄甫所以壽公者
將千萬歲而未已也

蕭太公壽序

蕭士威令君既從楚來令武榮也則奉其太公
少鶴翁俱令君日薦牡驪海錯爲肴羞龍目荔
支爲果棧綵衣退食舞居一再月太公曰戒且
去母以乃公恩兒擊鮮於是令君置驛馬之輿
陳太公之駒自臧蕘從越送郡城郭門外長跼

何氏萬曆集

卷二十

七

詩

而觴別郡人以此榮太公父子聞太公既抵舍
令君思之甚會其明年春爲太公壽諸公圖所
以壽太公者以塞令君之思則以命予令君十
許歲爲楚中奇童子弱冠舉于鄉所至有聲其
所撰著爲楚人領袖今於武榮武榮人安其治
教無敢凌以犯然則令君之不足者一第耳今
君又善爲貧也囊不名一錢善爲病也湛精千
秋之業宵旦不憊以此坐自苦然脫有客問太

公曰爲公子者擢甲科掇上選出門顯秩華鐫
若若纍纍涉世當官無所自表著而公願之乎
太公必曰吾寧吾子客問太公曰爲公子者今
得一州一郡之治無所益民生民疾苦不問聞
以手嘗龜以色欲炙而公願之乎太公必曰吾
寧吾子客問太公曰爲公子者血氣完固腰脊
剛強捧其便便之腹晝坐堂上退而渠渠軒軒
寢與食而不能病者而公願之乎太公必曰吾
寧吾子太公雖布衣乎故能爲詩賦文詞令君
加篤嗜焉而以其湛精千秋之業應太公橐不
能容一金以應困與急其好施無所不至而今
君以其不名一錢應太公間巷之身無所及物
而令君以其仕應且夫人之有子也莫不欲其
仕也以爲晚暮娛其耳目之不慧智文史之不
淹通雖有甲乙之科亦以壯強得者而今君童
子則名童子弱冠則名成人楚則名楚字內則

何氏萬曆集

卷二十

七

詩

名字內然則今君所以娛太公者至矣予落魄
衡茅之下不能越起貴人門今君以尺一問之
予雖未得見今君然得讀今君之詩矣樊港之
篇歲暮之懷予以知今君之爲孝子也嘉靖中
五才子之言曰今海內可無文章之士則鳳鳥
暗岐山而麒麟化禱杙夫其不踐生芻不食非
練實而不飲非醴泉者於是使鳥失其哺羊失
其跪駢騁之超失其駿駢角之牡失其齠栗此謂
何氏萬曆集 卷二十 廿

壽程守序

士君子所以能建俊偉光明之業者皆其氣節
行槩可契前哲而才又足以周當世之務晰萬
物之情態辨而不可冒以詐達而不可滯以方

故能爲也蓋有身無鄉曲之譽持蹈之責任宦
赫然至卿相者矣察其當時皆有一世之才非
苟而已也直氣節行槩有所貶臧故其榮名當
身而止而無所尚於人倫又有椎陋寒儉量米
爲炊散服毀躬以市清名者矣試之曲折失其
本末紛錯填糾不知橫縱則亦如在天之箕外
澤之瓠而無所補於當世若此者殆古今士君
子涉世之通患也休寧羅陽程公素有名士大
夫間自儀曹卽出守吾郡其始至也以敦本崇
教爲先居久之察吾郡之風俗而知其淳澆之
原別其性情而知其剛柔之用諦其習氣而知
其靜競之端次第而輕重之其條析洞朗極於
秋毫民無所遁形鑑而竟留其不盡之仁歸於
忠恕而易簡人遂以大安察公之爲高潔堅自
以之自將而不以外炫方員平直以之自準而
不以檢物公嘗爲予論薄屋藿食自爲拘繫非

何氏萬曆集

卷二十

廿